

洋商會館公議條例

夫會館之設由來久矣難謂會同議事之所實爲敦禮重義之地吾人于此存公道明是非息爭訟固不此別事例相同者也內崇奉

天后聖母春秋朔望或禱或慶誠稱異國同堂會計經營不公不正相與同心戮力至于疾病相扶患難相助福因善果不勝枚舉緣公費浩繁舊有每兩參厘廟緣之例船長扣交茲年久例懈有例無繼在客疑船長有染指之私取而不繼而船長實召青蠅之污未取何繼是以有名無實將來香火難充況前內址華煥新基功雖創始實未完成茲重協同整肅玉成勝舉並將淵源始末勒石以垂永遠規例無倚無私盡善盡美庶錫類於無疆云爾

令將公議規例列左

- 一議廟緣每兩參厘會館設立印簿每船壹本送交公司開抽分單隨開隨隨抽分單出日其簿即交理事人如簿停留即有欺隱其錢仍歸船長隨收隨繳
- 一議會館內設立大櫃壹口當事人收錢及數簿悉存于櫃若臨用特當事人公同開取一人不得擅專到船頭至齊日船長會集公查數目每年壹次
- 一議各港門不足抽分小船併空船每船應題緣錢伍貫
- 一議失水落難客住會館層每月每人給伙錢叁陌至叁個月爲期如收風尙有貨船果無親戚可依者暫許安歇不給伙錢但限唐船起身不得久住
- 一議收風孤客無親病在會館內每月給伙錢叁陌痊日即出不得久住和尙香供必須先問病人籍貫姓名附搭何船以杜詐僞如有不幸病故給錢貳貫以爲殯葬之資及葬在何處報知理事人登記俟其親屬得查不致旅魂無托
- 一議棍徒不事生業素習賭博併食鴉片匪類等事者不准居住會館層知有違拗理事人即稟父母官究治逐出
- 一議新客到此娶妻有孕必須登記何省籍貫鄉里壹單付妻收執至分娩之日或男或女囑令妻黨戚屬資單赴會館報明理事人何月何日分娩併其妻姓名居住何處明白登簿無致後日流落
- 一議會館者若有剩餘之錢不准借名生利即或暫移一棧不准以便防早晚失水收風等事恐臨時應付不及
- 一議會館置辦傢伙器皿併各客供物必須登記壹簿或有年久朽壞者理事人驗察修葺或有借用損壞者即着經手人向借者整補或有失落乃係和尙香供賠補理事人更宜不時查檢和尙香供不得辭典守之勞
- 一議會館理事人不得欺隱不得藉事推諉亦不得通同贅入明香社必須秉公料理或有他往或要回唐當合理事人酌議相贊一新唐誠實的辦理不得任意薦舉切勿荒廢前人創建之基業以上數款尙慎旃哉

永佑 廿年歲次辛酉叁月 吉旦 各省船長衆商公立